

10-10-2024 Budžet A 15 2x

Na osnovu člana 45. stav (3) i člana 57. Zakona o izvršavanju Budžeta Unsko-sanskog kantona za 2024. godinu („Službeni glasnik Unsko-sanskog kantona“, broj: 9/24 i 16/24) i Odluke o kriterijima i postupku dodjele sredstava odobrenih u Budžetu Unsko-sanskog kantona putem Kantonalne uprave civilne zaštite – Podrška projektima iz oblasti vatrogastva, broj: 03-02-51-1231/2024 od 26.08.2024.godine, Kantonalna uprava civilne zaštite objavljuje :

JAVNI POZIV

za dodjelu sredstava jedinicama lokalne samouprave za projekte iz oblasti vatrogastva

I PREDMET JAVNOG POZIVA

Predmet javnog poziva je sufinansiranje tekućih i kapitalnih projekata jedinica lokalne samouprave (u daljem tekstu JLS) iz oblasti vatrogastva u skladu sa Zakonom o zaštiti od požara i vatrogastvu („Službene novine Federacije BiH“, broj: 30/09) i Zakona o zaštiti od požara i vatrogastvu Unsko-sanskog kantona („Službeni glasnik Unsko-sanskog kantona, broj: 04/13).

II USLOVI UČEŠĆA

Pravo učešća

Pravo učešća na javnom pozivu imaju JLS na području Unsko-sanskog kantona.

Finansijska sredstva

Maksimalna vrijednost finansiranja u okviru ovog Javnog poziva po svim projektima/zahjevima/inicijativama iznosi:

- a) za tekuće projekte – tekuće grantove do 30.000 KM i
- b) za kapitalne projekte – kapitalni grantovi do 270.000 KM.

Maksimalan iznos sredstava koji se može dodijeliti za jedan projekat je 70.000,00 KM.

Broj prijavljenih zahtjeva

Jedan aplikant može dostaviti dva zahtjev u okviru ovog Javnog poziva.

Opći kriteriji

Za dodjelu sredstava za projekte iz oblasti vatrogastva primjenjuju se sljedeći kriteriji:

- a) usvojena procjena ugroženosti od požara,
- b) usvojen program razvoja zaštite od požara i vatrogastva,
- c) usvojen plan zaštite od požara,
- d) predviđeno finansiranje dijela projekta iz budžetskih sredstava,
- e) da općina/grad dostavi podatke o visini sredstava posebne naknade za vatrogastvo ostvarenih u prethodnoj kalendarskoj godini (finansijski dokument iz kojeg se jasno vidi ostvareni priliv sredstava).

Posebni kriteriji

JLS koje ispunjavaju opće kriterije rangiraće se prema posebnim kriterijima i to:

- a) da je priliv sredstava posebne naknade namjenjenih za potrebe vatrogastva u JLS:
 - 1) manji od 30% od ukupno ostvarenog priliva koji pripada JLS - pet bodova,
 - 2) između 30% i 50% - tri boda,
 - 3) veći od 50% - dva boda.
- b) planirana sredstva u budžetu JLS za finansiranje projekata iz oblasti vatrogastva (bez sredstava posebne naknade za vatrogastvo) su:
 - 1) veća od 30% od vrijednosti projekta - pet bodova,
 - 2) između 10% i 30% - tri boda,
 - 3) manja od 10% - dva boda.
- c) projekti iz oblasti vatrogastva:
 - 1) ukupne vrijednosti do 10.000,00 KM - jedan bod,
 - 2) ukupne vrijednosti od 10.000,00 – 50.000,00 KM - dva boda,
 - 3) ukupne vrijednosti od 50.000,00 – 100.000,00 K - tri boda,
 - 4) ukupne vrijednosti preko 100.000,00 KM - četiri boda.

Dokumentacija koja se treba dostaviti prilikom prijave projekta

Prijava za dodjelu sredstava podnosi se na posebnom prijavnom obrazcu koji se preuzima sa web stranice Uprave, www.czusk.ba, ovjerenom i potpisanom od strane odgovorne osobe. Uz prijavni obrazac (projektni prijedlog) podnosioci su dužni dostaviti slijedeću dokumentaciju kojom dokazuju ispunjavanje uslova iz Javnog poziva, u originalu ili ovjerenoj kopiji (ovjera ne smije biti starija od 3 mjeseca):

- a) akta nadležnog organa grada/općine o usvajanju procjene ugroženosti od požara,
- b) akta nadležnog organa grada/općine o usvajanju programa razvoja zaštite od požara i vatrogastva,
- c) akta nadležnog organa grada/općine o usvajanju plana zaštite od požara,
- d) akta gradonačelnika/načelnika grada o obezbjeđenim budžetskim sredstvima za realizaciju projekta,
- e) izvještaj RAS-008-Raspodjela javnih prihoda na korisnike-B2 za prethodnu godinu iz koje je vidljiv ukupan priliv sredstava posebne naknade za potrebe vatrogastva u prethodnoj godini,
- f) projektni prijedlog i predmjer radova gdje su jasno naznačeni izvori finansiranja projekta.

III NAČIN I ROK ZA PODNOŠENJE PRIJAVA

Prijave sa potrebnom dokumentacijom dostavljaju se neposredno, na protokol Vlade Unsko-sanskog kantona ili preporučeno putem pošte, na adresu :

KANTONALNA UPRAVA CIVILNE ZAŠTITE

ul. Alije Đerzeleza br. 2, 77 000 Bihać,

s naznakom

Prijava po Javnom pozivu

„ Podrška JLS za projekte iz oblasti vatrogastva “

- NE OTVARAJ -

Na poleđini koverta obavezno napisati naziv podnosioca prijave i adresu

Rok za podnošenje prijave

Rok za podnošenje prijave je **15 dana** od dana objave Javnog poziva.

Kriteriji isključenja

Neće se uzimati u razmatranje prijave koje su dostavljene nakon isteka roka određenog Javnim pozivom (neblagovremene).

Prijave koje su pristigle u traženom roku, ali koje nisu kompletno popunjene i koje ne sadrže traženu dokumentaciju, bit će odbačene i neće biti predmet razmatranja.

Prijave dostavljene nakon isteka utvrđenog roka vraćaju se aplikantu neotvorene, sve ostale prijave zajedno sa pratećom dokumentacijom ne vraćaju se aplikantu.

IV OCJENA PRIJAVA

Dostavljene prijave na Javni poziv razmatra Komisija od 3 člana, koju rješenjem imenuje direktor Uprave. Komisija vrši:

- a) analizu ispunjenosti formalno-pravnih uslova dostavljenih prijava u skladu sa Javnim pozivom, odnosno provjeru blagovremenosti i kompletnosti dokumentacije,
- b) provedbu procesa bodovanja prijava koje ispunjavaju formalno-pravne uslove,
- c) izradu Izvještaja o provedenom postupku po Javnom pozivu za dodjelu

sredstava sa prijedlogom liste uspješnih projekata, kojeg putem protoloka dostavlja direktoru.

Broj bodova koji čini ukupnu ocjenu projektnog prijedloga sastoji se od zbira pojedinačnih bodova utvrđenih u posebnim kriterijima.

Pri razmatranju projektnih prijedloga Komisija zadržava pravo zatražiti dodatna pojašnjenja o projektu od aplikanta.

V OBAVJEŠTENJE O DISKVALIFIKACIJI, PRIGOVOR I UTVRĐIVANJE KONAČNE LISTE USPJEŠNIH PROJEKATA

Aplikanti koji ne ispunjavaju formalno-pravne uslove (prijave koje su neblagovremene, nepotpune) i ne nalaze se na predloženoj listi uspješnih projekata za sufinansiranje, biće o tome pisano obaviješteni od strane Komisije.

Protiv navedene obavijesti aplikanti mogu podnijeti prigovor Upravi u roku od 3 dana od dana prijema obavijesti. O prigovoru odlučuje direktor. Odluka o prigovoru je konačna.

Nakon dostavljenog Izvještaja Komisije sa prijedlogom liste uspješnih projekata, direktor utvrđuje konačnu rang listu projekata odabranih za sufinansiranje, koja se objavljuje na web stranici Uprave, www.czusk.ba.

Kriterij za utvrđivanje konačne rang liste projekata je ostvareni broj bodova na Javnom pozivu i iznos raspoloživih sredstava za sufinansiranje.

VI ZAKLJUČENJE UGOVORA I NADZOR NAD KORIŠTENJEM SREDSTAVA

Sa aplikantima čije prijave budu odobrene za sufinansiranje zaključit će se ugovor kojim će se urediti uslovi i način korištenja odobrenih sredstava, način praćenja namjenskog korištenja sredstava, dokumentacija koju je korisnik sredstava obavezan dostaviti Upravi, rok važenja ugovora, te ostala međusobna prava i obaveze korisnika sredstava i Uprave.

Dodijeljenja sredstva, po usvajanju Programa utroška od strane Vlade doznačavaju se na račune korisnika.

VII OPĆE ODREDBE

Za sve dodatne informacije zainteresirana lica mogu se obratiti do 8 dana prije zatvaranja Javnog poziva, i to putem maila: czbihac@bih.net.ba

Prijavni obrazac za dodjelu sredstava za projekte iz oblasti vatrogastva nalazi se na web stranici Uprave www.czusk.ba.

Broj: 15-11- 12385-1 /24
Datum: 10.10. 2024.godine

